



^ 16
2693
15



門 16
號 2693
卷 15

潛研堂詩集卷七

川

同

宿萬年庵用壁閒吳文恪韻

庵有董思白書
歇心處三大字

嘉定錢大昕

琴筑鳴幽澗聽來不厭喧鐘磬和月遠木葉受風翻奧
曠疑天設清涼卽佛恩安心何日竟我欲問桑門

將抵巴陵

入山八九日山意漸闌珊螺髻經千疊羊腸剩幾盤泉
聲無雨縮蟲響入秋寒遙望煙邨外漁舟閣淺灘
戴星忙結束卓午僂消停樹影窗中速碁聲枕上聽有
情花展曆無事鳥梳翎此太巴陵近煙波渺洞庭

昭和九年
十二月十一日
購末

岳陽樓
傑閣出城墉驚濤日夜吞地吞八百里雲浸兩三峯已
極登臨目真開浩蕩胸不因承簡命那復壯游逢

爲避風波就陸行潺潺卻愛聽谿聲楚南不比黔南險
也覺途無三里平
沙岡凹凸不成山也有煙嵐四面環遙見人家邨落近
青螺出沒短牆閒

長沙

行盡官郵兩月程崇城百雉儼崢嶸雲開嶽麓千尋碧

秋霽湘江一鏡明礪砥磬丹仍土貢火耕水耨樂邨氓
笑它遷客憂卑濕每日登樓玩晚晴

賈太傅宅

石牀柑樹跡云徂故宅猶傳賈大夫世已治安偏上策
賢如絳灌尙嫌儒洛陽太守封章薦宣室君王禮數殊
如此遭逢良不薄未應問鵬寄揶揄

東長沙張慧川明府

獻紵論交十載前滄浪亭畔話纏絲訪秋圓滹沱宵連榻
過夏長安午擘箋管領風騷名下士平章山水吏中僊
停車徬聽輿人頌三異中牟萬口傳

肥歲燕臺我送君今朝握手楚江濱折麻不待衡門鴈
卷幔同看夢澤雲泉性出山仍峻潔蘭言入座益清芬
宦游我侶文園倦慚媿臨邛恭敬勤

屈賈二大夫祠

太國憂君志未伸千秋腐食共湘濱吉占枉向靈氛卜
痛哭誰憐年少人呵壁問天空侘傺沈書弔古寄酸辛
莫言宣室虛前席也勝招魂七澤辰

中秋試院對月

萬里清光一樣圓重簾淡靜夜忘眠箏琶俗調休來耳
冰雪高文若有緣射策諸生夔樺燭鎖闈同事鬪蠻賤

明珠魚目由來混恐負

天家鐵網懸

試院示同事諸公

杞梓丹沙眼底收評量甲乙費窮搜劔埋地下猶沖斗
錐處囊中自出頭從古文章無定論由來場屋困名流
風檐甘苦皆親歷珍重諸公子細求
五色迷離信有之隔簾幼婦認妍媸須求神駿驪黃骨
漫賞鮮新桃李姿腕底生枯憑畫筆眼前勝負賭圍碁
當場勒帛休輕下此是青衫淚濕時

楚南士子場後以試文謁學使吳雲巖前輩雲

巖決其必售者五人曰丁牲丁正心張德安石

鴻翥陳聖清比揭曉則五人皆中式而五魁之中得其四焉楚人傳以為盛事雲巖有詩因和其韻

一一春蠶食葉聲善鳴此日果先鳴鑄顏蚤識心良苦說項方知隄獨明偽體別裁當代望夔才如命古人情三年手植多椹榦分荆無私玉尺平

吳雲巖學使訂于重九日載酒嶽麓登高兼訪山長劉孟調前輩以風雨不果往次日孟調以詩見寄次韻奉答

擬訪皋比嶽麓陽道鄉遺跡未全荒一宵秋雨回征櫂

幾疊青螺掩翠妝問字相從緣恨淺看山有約興空狂臥游只合師宗炳欲俗冰絃四座張

秋光九十去侵尋樹樹山楓尚綠陰枉費詩人盟息壤不知叵信在霜林

代楓樹答
何心火迫染臙脂遺世方成絕代姿可笑鴈臣歸太蚤不曾畱待葉紅時

予既他詩代楓樹解嘲次日山行楓林有數株先紅者復成是什

片片秋容獨自矜一宵霜後暈潮凝不欺然諾從來少
數本真成耐久朋

重過武昌

黃鶴磯前水抱樓金沙洲外荻花愁燕吳南北俱迢遞
兩地離情人暮秋

登黃鶴樓懷翁覃谿中允彭六一編修二公典試湖北

榜人催欲渡小泊為登樓奇觀詎容失高秋師此游空
濛雲外岫浩蕩水中鷗信美非吾土凭欄亦少留

城以依山壯樓因得地奇塔仍元代剏棗說古僊遺樓前

有勝像寶塔題云大元至正威順王太子建後為僊棗亭有棗一本枯而未朽云僊人所植紫蟹秋

來味丹楓霜後姿登高羨星使來趁菊花期湖北當事例于重九

日置酒樓上延主司登高

田家

霜落秋原萬木衰蕭蕭亂葉逐輕颺漁舟小泊丹楓裏
邨酒初篘黃菊時老屋旋蝸催墜戶新畬驅犢蚤翻犁
官租足了身無事鐙火團團婦孺嬉

德安道中

一徑穿山頂人來樹杪行輿丁防足滑擔僕苦肩頽楓
相天然畫原田局上枰三關遙在望翠巘倚雲橫

楊忠烈公漣祠

茄花委鬼日猖披想見張髯瞋目時倉猝移宮關大計
慨慷伏闕進危詞姓名空寇東林籍魂魄誰招鎮撫司
齒冷三朝修要典南牙宰相北牙兒

入平靖關

曉看紫翠畫圖明不信身從畫裏行谿水一灣分向背
山雲片刻改陰晴盤旋石磴重關峻曠蕩秋原古木平
屈指歸程垂及半幾回清夢到神京

信陽

淮水淺可涉楚雲望已微日斜棲鳥樹人語釣魚磯伐
木家燒炭襄縣客製衣往還經兩度逝景迅驂騑

確山

朝辭明港驛夕秣朗陵芻風力冬來壯山容寒到枯櫛
慘悲落葉蒼莽眺平蕪此去中原近官郵總坦途

曉行口占

山行五日僕云痛歷徧嶽寄得坦途底識主人馱平行
幾番回望翠模糊

遂平

蕞爾吳房邑猶傳夫槩封隱成淮蔡蔽直達汴河衝納
稼先完賦于茅計禦冬邨岷閔最樂擊壤話高春

郟城

古召陵地韓退之平淮西
碑勝之召陵郟城來降

楚使盟書地淮西戰紀勳激波潁陽月古驛召陵雲老
樹全成秃饑鳥侶喚羣蒼涼荒艸路誰弔太邱墳

臨潁

小邑停征旆高歌倒酒杯苔蘚鍾傅字艸漫馬融臺禪
漢詞多詭依梁事可哀千秋傳潁谷純孝輓風積

鄭子產祠

新鄭

東里有祠堂輿人誦不忘救時羊舌誚授政子皮良製
錦成非易操刀割恐傷墓門遙在望心折杜當陽

鄭州道中

山如秃赭樹如髡風緊雲凝漲霧昏算道冬來生意少

青青宿麥徧寒原

渡河

古渡尋滎澤遙山辨太行落槽中溜緩解纜一颿張微
綠千畦麥滾黃萬樹楊回思前濟日彈指改炎涼

曉行口占

日出煙消見遠邨嵐光依約是蘇門天容山色看無別
只認遙空抹一痕
最凌寒山面目真鉛華洗盡見精神天然古澹仍堅瘦
比侶嶽嵴磊落人

美水前湯陰

姜水流城北淇泉屈邑東霜清僧寺磬樹老古原風故里堯君素荒墳嵇侍中金牌三字獄千載泣英雄

韓魏公祠

宋家賢宰輔屈指首韓公將相三朝寄安危一體同黃花豎晚節霖雨斂神功漳水有時涸此祠終古崇

渡漳水

水道三冬縮輿梁十月成荒雞催夢短瘦馬踏霜行趁蚤僮偏嬾衝寒酒易傾畿南今日到遙指滏陽城

晚抵邯鄲

邢趙山川指顧閒太行千里勢回環寒雲北入邯鄲道

落日西銜車騎關倦鳥梳翎將就宿疲牛脫輓自知還往來驛吏多相識塵泥征衫幾許斑

倉客行

平原豪俠如信陵傾財結客坐上盈錐處囊中相奇士三年不識毛先生騏驥千里由來寡戀棧甘心託廢下蚤知碌碌皆公等悔殺美人謝甃者雞鳴狗盜脫子孟嘗不如世有市義良三千珠履從春申不如世有無望人翩翩濁世誰最優觀君玉貌皆有求君不見千金上壽天下士拂衣徑去魯連子

沙河道中

潘研堂詩集 卷七
霜落山無色沙滾艸不生一河岐兩派五雉見孤城文
筆顏開國功名宋廣平梅花亭外月十里送人行

定州道中

寂歷荒寒古渡頭空林敗葉落颼颼何人領畧蕭森意
明月清風過定州
昭陵繭紙久無存響榻臨撫互攷論肥瘦紛紛辨眞贋
空依定武他兒孫
雪浪齋中秀色參松醪自釀最清甘八州他督如春夢
又見孤臣到海南

晚行清苑城外見月

十月十五日

朝辭郭隗里夕宿徐河涯明月大如鏡照見人鬚眉空
林葉盡脫了不蔽清暉微風動枝柯水中荇藻披一颿
風利過乃是人影移誰言霜月苦玩之獨忘疲山家多
畏寒未暇領此奇行者日刻午有景無人知寓意不畱
意適爾與吾期瞥睨恐易失援筆爲賦之

自我出國門五見明月圓鎮陽禮大佛虛堂可譚禪武

昌東湖驛圍棊夜忘眠中秋在試院官燭三條燃歸來

宿岳陽鏡面天水連

六月十五日宿眞定隆興寺七月十
五宿東湖驛八月十五在試院九

月十五宿岳
州岳陽樓

今夕復何夕清光益澈鮮地以南北異節

亦溫涼遷惟有如珪月長此清淨緣過太及見在未來

亦復然太潔性所抱有恒德斯全莫嫌霜華冷悟茲忘
言詮

寄楚南諸同好

乘傳曾游七澤濱三秋氣候侶春分曉山出霧皆成浪
晚樹和煙半化雲引路松楸存古幹涉江蘭茝有奇芬
舉頭嶽麓遙相望恨未摩挲北海文

冠蓋追陪恰四旬芝蘭臭味倍情親舊游回首譚三泖

慧川刺史相過古碣畱心訪九真清泉明府江君蔗畦

輒譚淞江之游太守風流懷鄭監寶慶守鄭君東里文壇派別說吳均

碑見贈學使吳雲巖前輩清風店上重相憶落月依稀入夢頻

還京述懷

僂指星輅半載期楚雲燕樹兩相思幾回夢憶 金鑿

直兩度恩叨玉尺持湘浦秋風催驛騎盧溝寒月照鞭

絲歸裘檢點羸前度篋裏新排一卷詩

江明府于九拓石鼓山劉莘老題名見貽并索

詩

江侯昆弟古與稽同游石鼓窮西谿二分垂足百尺梯

徧拓唐宋元人題千里緘致費赫蹠忠肅畱識尙未翳

廣韻鳥軒如老鶴立羣雞熙寧新訟算黍圭抗論十害

遭排擠監倉公暇兩子攜振衣扶屐來攀躋九字瘦勁

懸虹霓

題云劉摯莘老來游跋陪侍凡九字右方題云後百八十三年六世孫震孫蒙恩來持庾節拂

拭舊題

不任感愴寶祐二年秋九月旦凡三十三字誰與讒口員錦縷父死不葬

肆慢懼

廣韻郎奚切拜罷錄元祐六年言者論摯父歿于衡委而不葬為子不孝摯抗章辭位自他

家庶記以辨當時之寃

文孫持節腰玉犀三改甲子跡未迷拂拭

遺刻心愴悽孫以祖重名不漸維公忠義為杞柢偶然

飛鴻印雪泥重之乃與瑤琨齊人貴自立非虛兮

題袁蕙孿孝廉南湖艸堂圖

湖光一輪鏡面措四圍遠山眉黛佳誰與寄賞營茅齋
松毛覆檐落漫階軸簾終日扉掩柴仰屋著書萬卷排
不妨土木為形骸有時乘輿上翠厓自攜藤杖青屨鞵

蒼茫高詠金石諧澳門別駕

謂張雲

同調偕相於唱和

投詩牌力返正始芟淫哇扁舟過訪泊水涯由來臭味
無參差不知主客相忘皆多君嗜好與俗乖泉石之癖
如宿疾偶游京洛行六街征衫曾不澆塵霾題君畫卷
手屢以敬亭雲氣滿我懷

蘅石宮庶庭前叢菊盛開招諸公同飲賦詩竝

作墨菊長卷出以見示并屬題

小庭才半畝點綴頗不俗春華詎非佳獨愛秋英菊黃
白閒緋紫淺深各有族不用瓦盆不用架縛竹所貴
全其天自然無拘束主人供寫生不寫形寫神淋漓潑

墨汁下筆清而淳百四十餘朶朶皆鮮新
裴堂風牡丹凡品何足珍眞花元入畫
畫花直偏眞相與圖主客洗盡京洛塵
幾日不相見坐失此良會卷後許顛詩
附庸收自鄧追冬花事歇掩關且塞兌
日手畫圖看已勝雅集再送吳二匏舍人南還
一葉梧桐始報秋潞河東下趁輕舟歸程十里嚴陵瀨
紅蓼西風古渡頭薇垣詩格數吳均歸興秋風戀紫莼
閒煞青綾舊時被對花題詠更何人

手版支頤爽氣來家山大好足徘徊天都面面光明海
此去休教空手回凌寒兩到夙齊名姜被今年又合并不羨春明聽漏夜
對牀風雨更分明

五塔寺

卓立金剛座巍然五塔崇猶傳印度式匪假育王功分
影光明月搖鈴縹緲風石闌終古在不壞是眞空

萬壽寺

宏麗仁王寺經營萬歷年飛來奇石簇藏弄漢經全董
役傳常侍延釐說九蓮一鐘移兩度彈指悟因緣

明永樂中

命姚恭靖監造鑄大鐘重八萬七千斤藏大內萬歷丁未建寺移置于此 國朝雍正中復移鐘于德勝門外之覺生寺

昌運宮

香火前朝院天風戛玉笙門開青嶂對人蔭白松行亭

覆康陵敕

碑亭二其一刻正德五年六年敕諭兩道

苔封內監瑩

宮為正德中司禮太

監張永所建賜額混元靈應宮永墓在其後

客來譚往事差覺勝元明

劉瑾建大

德元明宮在朝陽門外遺址今無攷

雙林寺

可怖修羅相無遮演撲兒祇林誰谷構像設至今貽洞

失明陽跡碑留媚寵詞

碑稱寺後築上石為山有明陽洞左臺右榭今皆廢毀碑中稱

馮保曰

隔牆半畝地片瓦拾沙彌

寺東為興教寺明景泰中司設太監王助

恩公所建香火院以奉梵僧者今已鞠為茂艸矣

哭吳雲巖侍讀

隔夕仍同醉今朝遽哭君只疑凶問誤難制淚珠紛紛

露晞何速愁雲黯算分受恩三楚士誰化大招文

題韋鐵夫授經圖遺贈

先生扶陽之苗裔漢唐以來稱德門詞章雕蟲晒小技

枕麓六藝培本根廿年寒氈冰雪擁打頭屋小如祇園

諸生執業競問難辨舌欲擬懸河翻胃中空蘊經世略

手無斧柯誰與論側聞秉鐸泗州日咨詢疾苦行荒邨

州城久漫洪澤水民田大半居魚龍何人奏報水已涸
廬并非故租額存一田兩賦計畝算違恤閭左朝無施
一朝丈量詔書下奏記上官即九閩至今泗人口
碑在活我婦子釋戴盆當時牧民者誰子媿嬰坐視徒
聲吞從來行道必有福不于其身于後昆公餘下帷課
子舍亭亭玉立皆瑤琨五郎標格爽絕俗執卷雜誦無
晨昏誰與傳神在阿堵鬚眉彷彿清而溫少陵熟餈示
宗武康成禮堂傳益恩惜哉祿養生未及展圖涕淚空
餘瘡生晚愧不識公面得交公子猶弟晁忍饑讀經亦
有志廢棄自歎古井晉願從太史乞家法五世教授眾

所尊只愁里中兒唯讓那不贏金遺子孫

獐酒詩爲查恂叔太守賦

三年粵西賢太守薏苡明珠百無有獐人遮道送公歸
各各獻以一盛酒金臺召客勸客嘗色黝而黑甘且香
好添南徼虞衡志滿酌青州從事觴

題張右丞秋原放牛遺像

華陽眞逸自畫牛一絡其首一脫繒楊岐禪宿靜者流
升堂羨渠得自由斯圖寓意其然不一翁方瞳裏白頭
忘機兀坐與天游秋林深處睡夷猶烏捷神駿如驂驪
縱之平坡俾小休中青本白厥角抹自飲自齧鳴聲牟

文犧被繡非我儔底須叩角爲商謳天空野闊任所投
善刀而藏可自謀從茲不化穿鼻羞翁今已去其神畱
披圖彷彿瞻前修湛然心跡不繫舟此意得之蒙莊周
題陶吾廬前輩歸去來館圖
先生蚤賦歸去來山中日永循南陔前身靖節只君是
卜宅仍在匡廬隈羲皇之上有歲月顏謝以降無人材
偶借素心析疑義要使俗學除陳荻文孫指點手澤在
清風彷彿無塵埃小同能承北海學不須問道求宗雷
平確齋自臨川令被薦入覲賦詩奉柬
幾載參商歎隔塵京華會合倍情親天涯聚散憐同調

海內循良見古人廉吏可爲從所好素心相對得其真
寒窗小集團話鴻爪畱泥認宿因

豫章南去數郵程撫字心勞得頌聲雖利終能脫穎出
泉流只佶在山清薦書共道公評在異政知因儒術成
宗派西江兼領袖吏才元不掩詩名

紉書東觀話當年舊雨常懷平澹然木以不材空號散
鶴誠善舞未妨僊要知菽粟功堪濟終勝俳優格取妍
計日朱幡開五馬姓名題處紫薇天

送商寶意太守之官雲南

十年遺愛粵西雷萬里天南又壯游詩句好題金馬嶂

心期依舊玉壺秋單車按部人歌德隻手安蠻 帝俗
籌不負衝寒輕叱馭滇山奇秀甲神州

乾隆二十八年起居注書成詣 乾清門入奏

恭紀六首 是日雪

時政年年注 起居編成常屆歲將除尋常卷帙休相
擬此是人閒第一書

紀月編年例發凡卷分廿四祕瑤函 每月分上 下二冊 一言一

動無虛美特許詞臣手自緘 起居注書成例由本衙門
奏聞即緘封送內閣滿本

堂庫收貯不
進呈 御覽

元日千官賀 紫宸歲除山宴酒三巡四時典禮從頭

紀一統于今百廿春 順治元年甲申 世祖章皇帝
定燕京一統中外至是歲癸未蓋

百有二
十年矣

跋尾千言綴後頭輕塵足獄露添流清班久占慚何分

四度書中姓氏畱 卷末跋語 起居注官例得列名歲
庚辰辛巳尤听以署 起居注官癸

未甲申以充 起居注
官皆得綴姓名卷末

平明啟事入乾清一隊僊班禮服夏 是日例
易補服 中貴向前

相指點玉皇案吏奏書成

鏡海光搖六出駢僊居處處是瓊田呵融雪水濡新翰

夏紀明年大有年

送周稚圭同年觀察粵西 公六千里

普升堂詩集 卷七

酌君椒花酒聽唱驪駒詞春風一六六千里壯游持節
離江滄十載情親比骨肉如苔同岑鳥共枝曲江列讌
午試馬瀛洲分席晝課詩僂指同館卅餘輩聚散落落
晨星微素心晨夕我與爾臭味投合無筌池前年 天
子試館職如椽巨筆濡淋漓瑤臺月明鸞鶴響坐令笙
磬皆凡卑才人例具用世畧 特簡侍從充監司文章
經濟本一揆名位輕重由人爲新正錄別遽分袂露輶
直指天南陲計程西江歷南楚沅湘交會連浯谿衡山
石廩可落手起看雲海鋪琉璃粵西山水更殊絕一峯
獨秀卓筆錐七星巖迴摺列嶺西湖波澹澈清漪戟門

晴暇鈴索永按部排日熬幽奇磨厓處處識歲月妙跡
何減蕉黃碑宦游如此甚不俗那戀班直趨蛾眉雪中
鴻爪皆前定兩萍會合必有期南魚北鴈報無恙庶幾
一慰長相思

門神

蚤春佳氣正充閭袍笏僊曹一例除刻畫從人爲活計
推敲無地得安居彈冠卽是當樞日冷睨相看對面初
故紙堆中堪送老功成不退待何如

火判

誰言官到判司卑燈市元宵得令時炙手盡知騰上速

攻心卻以架空奇電光石火爭些子鳳髓龍筋炫阿誰
捫腹此中何所有因人化熱亦憐伊

題曹檀潛先生柳汀觀稼圖

廿年前侍春風座負郭無田居轆轤倉硯何曾飽糜粥
叩門差免催租課此時只羨多牛翁碌碌登場飯黃稷
旁人拍手競揶揄矮屋頭低氣不挫一經遺後計未失
厥父載菑子官播掌上珠元鼎乘明庭前槐已參天大
紫泥封詔下九霄里鄙聚觀牛酒賀人情轉睨改菀枯
先生付之一笑歌卻寫江鄉觀稼圖綠楊流水圍郵暝
黃梅雨足瀉淙淙三寸新秧始分科水田營營如掌平

主伯亞旅來相佐立苗欲稀兼欲勻縱橫成列無偏頗
方阜堅好幸其然鹵莽滅裂報將柰秧歌信口無宮商
前者一唱後者和先生科頭搖羽扇閱看三農泥漫髀
齊人要術書可續石湖棟輿詩能化頰歎兩畝亦懷新
未戀北窗但高臥買田異日恐虛譚望歲庶慰民勞瘁
伊予上世本力耕竊祿官倉良已過回首鄉園顧浦西
四體不勤計何左陶潛歸田吾欲云樊須學稼公毋呵
從游應許老門生倘昇籃輿備一介

潛研堂詩集卷七

門人黃鐘校字

潛研堂詩集卷七

七

潛研堂詩集卷八

門人黃繼述字

茲能歛福決門生命良盥輿謝一介

四盤不憚信何空爾替謁田吾裕云樊籟學林公世同

母于土世本也據蘇蘇官食身弓豈回首欲圖爾西

未戀北窗田高烟買田異日恐盡瞻望盡無堪另幾載

齊人要請書何辭否賦對興藉請少飲前南湘衣新襟

直者一即翁等味去主林便豨既鼠閱管二費或野釋

去阜望改幸其然函裝如緊肆殊恧滯計口無宮商

宜前亞派來林立苗燈錄兼益已錄謝太既無計爾

潛研堂詩集卷八

嘉定錢大昕

奉 命典試浙江

頻年奉使單車出手種齊松與楚江二度承 恩今較

渥此邦文獻甲它邦

鍾陵制義穆堂文浙榜從前說兩君眼力縱輸前輩好

得人猶望張吾軍

順治甲午熊公伯龍康熙庚子李公絨主浙江試最稱得人

聲名標榜久相忘不愛腴田陸氏莊但願它時到台蕩

有人為我具春糧

出廣寧門

又化皇華使輕裘出郭門雨微前路潤雲淨遠峯尊檣
古榮真忝程材鑿恐昏臣心元侶水擬與漸江論

趙北口

漣漪百頃鏡光涵十里長隄路舊語淺艸平沙通薊北
板橋流水侶江南兩行官柳排濃綠幾隻漁舟點蔚藍
浩蕩白鷗應笑客浮家泛宅只空譚

毛萇里

申培轅固各專門誰侶毛公詰訓尊北海他箋傳古學
西河製序啟真源四詩未墜斯人出千載云遙故里存
太息後賢矜鑿空欲將部婁廢崑崙

董子故里

蒼莽長河古木疏流傳董子下帷居天人不媿賢良詔
道諛羞稱功利書曲學公孫方貴幸助邊卜式蚤遷除
空譚災異真何用絕倒從游呂步舒

周亞夫祠

棘門霸上兩營分細柳堂堂獨不羣大慰君王拊髀意
竟收頗牧佐將軍人念竟收頗牧佐將軍人念
重厚堪爲少主臣顧成遺命記來真如何吳楚功成後
撤箸翻憎鞅鞅人人念撤箸翻憎鞅鞅人人念
八翻人念八翻人念途人念途中偶人念他

久晴厭塵揚久雨苦泥滑正使不晴亦不雨曉猶畏風
午病暍人生大患求無狀乃以我相太咎造物一身所
欲尚難副天公焉得人人悅吾儕乘傳四牡騑日有廩
給廉度支居停得所人忘疲客行如此樂復樂偶值暑
雨意不怡何況悠悠行路者敝車羸馬愁朝飢微逐名
利將奚爲

空齋炎即事

畿南千里列輕郵纔過雄州又冀州半日晴兼半日雨
五分夏襟五分秋綠楊樹底鳴蟬語紅蓼邨中浴鷺浮
指點昔年來往地飛鴻指爪幾曾留

晏城

地入齊河縣城仍晏子封禳星詞正大枕股義從容節
儉秘時失流連究主詔但存足欲戒邶殿益何庸

將至開山鋪

青山正如黃叔度旬日不逢鄙吝生忽見馬頭晴翠湧
計程知已到長清

長清山行

四圍屏障侶天成人在青山缺處行雨過亾添谿水響
秋涼偏愛嶺雲生朴淳摩詰田家句平遠營邱畫裏情
好景當前愁易失停輿卽事一回賡

登岱

巖巖氣象傲王公錫號天齊配昊穹五嶽降神尊第一
長男出震位居東登臨始覺乾坤大讚誦真慚擬議窮
梁父肅然分左右同時頰首丈人翁

歷盡嶮嶽十八盤攬身已在碧雲端煙光依約齊州小
水氣微茫少海寒石壁尚留唐帝隸玉符莫問宋家壇
傲來峯名高峙空千丈俯睇聊同一簣看

水激沙崩石磴危振衣直上不言疲畏難長恐中途誤
陟險全憑定力持日極吳門橫馬匹手摩秦樹認蚪枝
壯觀天僭今年雨添得銀河百道垂前月大雨磴道閉
為水所壞行至山

半尚有相阻者
予堅執不可

半生虛慕列僊材日觀天門未到來此度初窺真面目
新秋夏喜豁氛埃已離下界衣無垢漸近剛風樹不栽
偃蹇羣峯休傲客新從岱頂賦詩回

程蘊山明府招飲白鶴泉上

晨游東岱上層巔歸路重尋白鶴泉山水夙饒狂士癖
淹留為有主人賢蒼茫擘絮雲初合激灩浮波月正懸
酪酏今宵判盡興詰朝南公又揮鞭

羊流店謁羊太傅祠

古祠瞻拜薦山肴野店西風石徑坳墮淚碑猶存峴首

浮江計已定吳郊輕裘偏愛文人服杯酒何嫌異國交
不是君王能信任樂羊三篋訪書消

宿遷道中

近水田多下依岡徑半荒人貧愁旱潦地小束隄防老
屋苦爲瓦終年麥他糧莫嫌淮北陋千里亦同鄉

雨中過永濟橋

垂虹一道枕清波漁戶笳篙挂綠簑載得滿船魚虎子
秋風細雨六塘河

隄上

三伏汛初過新秋仍滿槽增隄沿歲例刈葦歎人勞颿

向林端過波逾屋頂高寢薪憂曆火迂闊獨吾曹

清江浦懷舊

壬申之夏渡清口固哉亭前賦折柳

是歲相國高文定公具舟送予北上

同舟者仁和周君天度陽湖莊君櫛及予三人

固哉艸亭在河道總督公廨之西文定公所建三千里

路送輕舸素心晨夕得二友周生煥雅才胸羅四庫無
不有莊生倘儻士痛飲狂歌坎鼓缶三人齒序我最少
挹杖拍肩相左右只言莫樂新相知風裏浮萍那長守
我念輜輳重渡河已成老翁髮未皤莊生投劾周生歿
聚散零落同逝波艸堂突兀猶如許艸堂主人今何處
華屋山坵瞥眼殊粟主空聞祀袁浦十四年來如夢中

雲泥泡影總成空惟餘九折黃河水仍與清淮流向東

漂母祠

一飯且知報寧忘推食恩少年輕國士老母識王孫惠
比千金重名將百代存娥姁亦巾幗鐘室淚空吞

題淮陰釣臺

試問真王貴何如守釣磯生慚噲等伍那至結陳豨
鐘室謀何亟平城計已窮暮年思猛士太息擲良弓

董江都祠和冰持前輩韻二首

漢代徵賢良天子臨軒策晁董及公孫舊史可尋繹江
都獨純粹言必則古咎六藝是表章一使燭火息嗟哉

曲學徒枉尋勵直尺居然厠公卿坐受小吏白君看平
津閣何如廣川宅休言宦不達幸免故人責

先儒專一經白頭守師承惟公業春秋天人理可憑人
事或僭差五行災異乘貴近勿優容天警見園陵畦李
譚祿祥所見判淄澠讀書重有識毋任勦說仍膠西王
雖倨禮賢尚足稱下馬拜遺祠百世願振興

同冰持前輩登金山次韻

平山佳麗說揚州爭侶江心翠黛浮車馬塵埃從不到
忽疑天際結飛樓
蒼茫四顧全無路縹緲中流得此山身住風波卻安穩

始知方丈在人間
 遠望蒼蒼紫蓋形
 馭風頃刻到青冥
 只疑身是乘槎客
 魏漢中央一點星
 妙高臺簷俯羣山
 玉帶橋頭水一灣
 算道單椒形勢小
 聲名久已動江關
 銜刀如廁也徒勞
 兵解由來數算逃
 世上豈無營葬地
 卻將遺蛻付風濤
 禪房要下各排連
 曲徑穿來翠嶺巔
 試取中冷第一水
 要從波底得真泉
 半日無風海氣晴
 山靈知我遠來情
 游僊真挹浮邱袂

同到金鰲背上行

焦先舊隱若堪攀
 咫尺丹梯想像閒
 得隴何妨仍望蜀
 取之不禁是名山

游寄暢園

名園結構自然佳
 真在青山綠水涯
 奇石介如廉士操
 清泉鏗爾古音諧
 濃陰半畝松杉在
 樂事三春花鳥皆
 萬歲亭前瞻聖藻
 朝川別墅詎能儕

虎邱

巨石千人坐清秋
 雙屐停樹含新雨
 潤窗入遠峯
 青臺識高僧跡
 池藏古劍靈
 題名多未蝕
 手錄補圖經

左旁崖石

有淳祐辛亥四明程振父等題名右有淳祐癸卯長樂潘坊等題名德祐乙亥天台戴覺民等題名又石觀音殿壁間有宣和六年胡少汲等題名紹興八年向子諲題名自來修山志者皆未之載

山塘

宛轉山塘路繅華自管傳波光千里暎郭外萬家連樓閣煙中市笙歌月下船狂游思曩日彈指十餘年

游上方山

果然奇秀占三吳樓閣空明入畫圖半畝疏篁蟠徑曲百尋紺塔倚雲孤山容蘊藉真名士波影清妍彼美姝空雨空晴空月夜石湖元是小西湖

石湖

激灩紅亭射曉霞波光百頃渺無涯居民種麥分湖面小艇叉魚踏浪花遠浦風煙通震澤上方鐘磬出楞伽田園樸事皆詩料曾是當年參政家

泛澹臺湖

解維鮎魚口落颿寶帶橋激波杳無際十里明青瑤輕颿出其閒快翦分生綃煙開虹亭樹風動淞江潮水禽去又來葭葦寒蕭蕭緬懷浮家客清標不可招臨淵起餘羨且聽榜人謠

入德清縣界有橋曰望僊喜其名與吾鄉同作

詩紀之

潘石堂詩集 卷八
故園門對小橋開，顧浦西偏一水洄。此地嘉名欣偶侶，
今宵鄉夢若相催。魚梁蟹斷分明見，桑葉菱絲次第栽。
怪得征人屢回首，僂身已到家來。

初到杭州

生平但願識杭州，僂抵人間萬戶侯。五十日程欣始到，
四千里路不空游。湖光澹沲遙連郭，山色清佳恰傍樓。
只待秋深公事了，畫船載酒暫勾留。

試院戲題

終朝閉閣亦何爲，萬卷文書次第披。還怕粗心失佳士，
闈中一月廢吟詩。

秋風片片落花飛，射的雖懸入殼稀。簾外未知蓬勒帛，
點頭猶自祝朱衣。

壯游濟勝興空賒，閉置真如新婦車。一道重門分內外，
吳山咫尺卽天涯。

倉筍

簞簞千畝菜人頤，已過春山燒筍期。塋喜鞭梢秋正長，
倉單頓頓一斤貽。

主司供給單每日鞭筍二斤，日有兩頓，倉故云。

填榜

丹沙竹箭眼前收，袞袞諸生放出頭。百炬燧來渾不夜，
文光直射斗牽牛。

揣摩剽襲枉辛勤千手雷同欲亂真別白淄澠心獨苦
要令世有讀書人

青袍鵠立望如何得意常稀失意多畱取寸心公道在
冬烘頭腦任人訶

鍼石相投有夙因飛花茵溷那能均宋家坦率休輕誚
我亦當年落解人

泛湖

秋水清無滓天然鏡面平四圍山色髻鏡裏照分明出
郭優離俗泛舟師適情樓臺金碧色人在畫圖行

九日浙中當事招集小有天園登高卽席得句

依巖面水敞軒堂賓主東南翰墨場信有湖山稱絕勝

不妨風雨作重陽是日雨笙歌入耳音非俗詩酒當筵興

最狂佳節向來孤負了今朝高會願無忘

表忠觀

錦袍玉帶儼天人鐵券當年字未湮運至開門稱節度
時平納土列功臣碑文淳古思和仲祠宇馨香續妙因

忠孝千秋終會報卅傳枝葉尙紛綸

岳忠武墓

已奉班師詔空憐涅背文雕兒能告密竟撼岳家軍
一紙到詔獄雙棺藁葬時五郎猶有子二聖竟無兒

公案莫須有沈冤何日伸東朝猶未返遺恨賈空人
文臣動愛錢武臣多惜死中原事可知含冤到獄市

浙闈戴事蒙 恩給假省親恭紀

久列蘭臺校祕文每依北斗望南雲叨承 鳳詔衡多
士曲體烏私荷 大君十日循陔申眷戀一庭舞采試
繽紛老人倍覺精神爽聽話 天恩到夜分

程才濟北又湘南玉尺叨持已度三敢戀湖山尋勝槩
庶憑文字契眞參人誇桃李新陰茂天與椿萱老境甘
此日登堂拜家慶添將佳話入叢譚

故鄉風景尙依稀暫卸征衣著錦衣門外喜無熟客鬧

案頭猶是舊書圍家傳壽骨占應驗

臣祖贈奉政大夫
王炯年九十二祖

母朱氏年
八十二

世戢良箴誠勿違贏得親朋相歎羨簞金終

讓一經韋

經旬子舍重留連回首睽違十四年車服敢言稽古力
箕裘恐負義方傳翁誇矍鑠休扶杖母恤單寒爲著絲
分付臨岐無別語 主恩高厚寸心鏤

過青駝寺遇雨

青駝寺北太匆匆古木寒煙四望同十月東風吹雨過
蒙山全漫暮雲中

口占

調調刁刁西風生蕭蕭撼撼落葉輕秋蟲唧唧復唧唧
客子行行重行行

曉行

曉星欲落猶未落僕夫催我起趁站清泉橫道淺可涉
老樹人立儼冠劍誰家牛鐸已先鳴櫟以鞭笞言多儻
我語僕夫且緩行月黑沙濼防馬陷

望岱宗殘雪

雨霽已三日岱宗殘雪明斜拖吳觀練寒偏泰安城風
勁表知徹霜濃酒易傾匆匆乘傳過回首玉崢嶸

山行

沙回路轉歷巘巖窄處纔通劍一槭獨木橋敲聊代筏
隻輪車小卻張颿葢茅屋比旋蝸縮戴石山如覆釜黓
日暮馬蹠行較疾識途應喜脫征銜

十月二十八日河閒道中遇雨

十月小雪候北方例無雨脰已入大雪頗訝氣蒸礎晨
興日光澹亭午雲氣聚微雨從北來廉纖絲萬縷淅淅
落疏林滑滑憚行旅彷彿江以南小春候如許六合今
一家天意示和煦徒以疆域分淺哉夏蟲語

雪後過鄭州

昨來猶見雨斑斑擗識飛糞積此閒雪滿寒原全沒路

霧籠遠市只疑山官郵百里分炎冷客子兼程又往還
趙北燕南今日到孤城指點瓦橋關

趙北口殘雪

林端積玉尙封條冰下叉魚泛小舸想得西湖當此日
孤篷聽雪段家橋

琉璃河

征車轆轤媿塵顏咫尺西峯未易攀一片玉裘成世界
琉璃河上望房山

題查恂叔太守榕巢圖

太平賢守政多暇解西一池綠波瀉不須岸上夏牽船

頗喜枝頭可築舍一榕婆娑數畝餘材不材閒天所赦
直榦撐空風日遮橫枝臥水龍蛇化向背俯仰隨面勢
侶與先生他閒架巢居之閣有前例嘉樹何嫌吾久假
開徑祇須就樹椳安窗恰好尋葉罅一榻以外長物無
十笏之居樂土俗水氣微茫只侶秋月光穿漏偏宜夜
判牘何曾公務妨覓句且將熱客謝身居瘴鄉貌更腴
日坐斯巢美無價只今卜宅傷春明尙戀前塵如味蔗
乃知寄託苟不凡一枝居然勝廣廈不然打頭矮屋長
欠伸樹猶如此徒悲吒天南榕樹多無隄此樹因公得
名亾了寧莫掃舊巢痕它時好與甘棠亞

漫成

一水逡巡活羣山峭蒨親日長桃自銜春蚤柳橫陳蜂
蝶忙何事絲蘿施有因喬松千百尺偃蹇不隨人

丙戌禮闈卽事用壁閒韻呈望山相國漫士少

司農鳧川少宰及同分校諸公

南宮登俊鎖闈滾元老司衡赤烏臨燕許文名推藝苑
韋平相業出儒林接驪真喜珠光映射斗還愁劍氣沈
話到寒窗檣古日風檐甘苦卅年心

廣座從容語笑滾聚奎堂上德星臨前身永叔元文伯

司農公名與歐公同當代宣公久翰林煙染松煤香細細光分藜

火夜沈沈冰壺表裏俱激激想見和衷一片心

勺水難分渤澥滾螢光敢竝月華臨隨班幸躡僊人跡

列坐真游佗者林刻燭已輸才捷敏剝蕉猶媿思滾沈

穆如一誦清風句取士無非報國心

斗室低吟一榻滾七年光景兩回臨庚辰會試曾預分校飛鴻踏

雪重尋跡新筍逢春又出林所望宗工懸尺度只愁宿

學易埋沈應真十八東西列同證菩提不染心

題邵蔚田侍讀收繪圖

六鰲曾得手獨爾遽收繪此去江湖闊煙波自在身

緣木人求欲信天吾所師得魚同一飽漫畫亦奚爲

一璜何足戀白首釣磻谿試看投竿者江鄉醉侶泥
蛇足休重畫屠刀且善藏從今林下好見一榜新堂

題趙編修鷗北耘菘圖

淺水淙淙雨後添讀書不礙灌園兼猩脣鹿尾都嘗徧
挪及秋菘分外甜

冬至後六日錢籜石少詹招同查儉堂太守紀

心齋侍御程魚門舍人畢秋颿侍講曹竹虛編

修小飲分韻得日字

三百有六旬赴壑蛇行疾吾儕耽文酒爲樂時勿失朝
間折簡招使若癘太蝨隆冬相暖熱他會慕真率後至

不我拒密坐可促剝酒行蕉葉三客偕竹林七捫腹方

傻傻舉疇尙逸逸主人顧死客言啟畫禪室橫斜萬玉

圖煑石山農筆

席閒出王元章萬玉圖長卷傳觀

一一皆生動疑有暗

香出華光與補之誰能漫甲乙忽憶香雪海玉梅萬株

密此時踏雪尋清逸興無匹見彈思炙鴉欲語失笑唾

近游天所許懷歸我已必銷寒判今宵友梅願異日

送趙雲松出守鎮安

詔守繇難郡官辭侍從班文雄能敵瘴政簡足安蠻臘

月衝寒太長途叱馭艱天教詩境拓飽看粵西山

世方尊外吏君尙戀春明結習惟文字關情獨友生才

由衷事出心到瘴鄉清莫獻等邊議南交亦我氓

府南為交

阨地交人奉職
貢甚謹故云

謝文節橋亭卜卦硯歌

硯為查榕巢
太守所藏

是何一片石千秋磨不磷疊山先生遺手澤滿堂觀者
神為振當年變名入建陽朝天橋上亭中央明夷三日
義不食卻以破硯當餼糧君平賣卜非吾匹北望中原
長嘆咽脰中只有石丈人江南且無廝養卒集賢學士
來求才手書卻聘心不回太息他銘刻左右重公并重
此石友硯之兩刻程文海銘云此石吾友也不食而
堅語有之人心如石不如石堅誰侶當年采薇
不食守義賢也首陽采薇計已成倉皇重化燕山行憫
凡三十二字

忠寺中守義死不食而堅與硯伯公之北去硯南留埋

漫泥沙百斛秋好事得之識歲月廢硯足抵周天球

有明人題宋謝侍郎硯五字左方云明永樂丙申七月
月洪水去橋亭易為先生祠扣地得之閩後學趙元榕

巢太守癖嗜古紫檀匣子滾藏弄斗室居然七客寮耐

久石公堪共語歙州龍尾名夙聞貞心不轉獨此君停

尊欲酌忠臣酒炙硯慚無放膽文

病起

四十年猶壯經旬病獨侵害風增欵逆伏枕屢呻吟思

澀詩魔退精銷藥債尋今朝髮快意屋角聽鳴禽

五色徒盲目三餘欲息肩安心真是藥省事儂成僊昭

畧生來瘦元章近日顛山妻苦相勸第一且歸田

人日同王琴德朱竹均曹來應畢湘蘅陸健男

四十五登泐源寺後閣晚飲琴德寓齋同東坡廣陵會

三同舍故事各以字為韻予得曉字

人日例登高此風近來少西曹澹蕩人志欲出塵表約

我試春游初哉首基肇泐源古寺近毘盧修閣宵一握

太天裁千里極目了鈴語清而和鐘磬輕不窕上方洵

巖淨下界徒纏繞犀首適無事止酒毋乃矯同隊水中

魚故交松上葛師復恣詼嘲不待引介侶騷人感初度

是日予四歲月如過鳥念念煩惱縛泐鏡本常皎在家

十生辰

蒲褐師

琴德好譚禪頭所居曰蒲褐山房

大意已先曉泰山秋豪未究

竟誰大小

舟行偶占

十指擎篙邪許同腰牽百丈曲于弓篷窗兀兀低頭坐

閒看來船使順風

浩歌擊楫滿天涯生長江鄉每自誇半夜疾風人不寐

始知泊宅不如家

衛河

河曲如之字颿斜佗扇形依依岸菊柳猶賸數分青

臨清

潘石室言集 卷八
城外雙流合波光玉帶彎風尖舟侶箭水縈岸成山置
牖裁通漕譏商舊設關北來稱鎖鑰煙火萬家環

阜河

出牖通泖口沿流下阜河颿隨風轉脚勝過水旋渦樹
老殘黃葉沙明浴白鷺旅人聽最喜半夜有吳歌

宿遷

左挾中河右大河彈丸小邑地無多長風送客過淮浦
輕舫沿流學楚歌畚土丁夫勤版築算緡關吏恣喧訶
拊循彫劫良非易傳語當官政莫苛

見道旁艸舍戲作

雪壓風掀雨又零編氓終歲苦伶俜誰知廣廈神僊客
也縛黃茅作小亭

汜光湖

激湖萬頃鏡新磨撒網家家住碧波行到淮南勝淮北
艸房漸少瓦房多

冬至京口阻淺

到家途漸近留滯復連朝風逆濤頭縮天寒澤腹枵行
傾京口酒坐俟海門潮不寐鰓魚目隆冬第一宵

借蔣春農舍人游甘露寺

潤州城北三芙蓉管人曾以神山況屹如北固居中央

震為長男方主鬯老鶴昂藏首俯啄卻顧金焦雙翼張
 甘露之寺當其巔傑閣凌虛誰管翬茫茫浩劫閱廢興
 刹竿千載猶無恙元豐鐵塔插紫霄正統金經閱龍藏
 修廊屈曲宛虹垂正殿巍峩滿月相六時梵唄長讚誦
 萬里江山他供養古鐘製從至正年巧思乃出平陽匠
 達魯花赤識姓名方信圖經語多妄大殿銅鐘元至正九年造鐘款有鎮
江路達魯花赤馬速忽總管李世安鎮江上萬戶府達魯花赤永安名又有濶州路平陽縣匠人名鎮江府志職官表失載馬速忽名又誤以李世安為達魯花赤不知世安漢人不得任達魯花赤也我管翦江
 數往還撥奇未到常怙悵天寒湖澗阻歸舟夙緣未了
 今空償舍人本是山中人導吾先路蠟屐繡水枯遙指

巖壁露木落兼無榛歲妨徑造禪關心地涼夏上岑樓
 眼界放哆口直欲吞滄溟摩頂居然俯羣嶂平生富貴
 吾不戀一餉清閒神所貺會須徧踏江南山竹杖從君
 次第訪

遣懷雜題

悼亡妻王恭人

泊宅秋來願少酬輕裘穩上潞河舟清輝玉臂今何在
 看月蓬窗獨自愁
 布衣椎髻不曾嫌雅稱貧官上竹鮎懊惱疾風吹鬢空
 從今擬廢五音占
 挂壁丰姿宛似君返魂那有異香薰真成南旺湖頭水

行到中流卻兩分

鐵甕城邊風雪餘

京口阻淺兩日

三山秀色望何如魂歸到此

應畱戀四十年前說

初恭人生于丹徒學舍

江上青螺秀作堆風流眉嬾事成灰將愁排遣終難了

只侶潮頭去又回

生無枉橫亦無愆相見今生詎有緣倘遇蘇州趙十四

結壇判倒一囊錢

伯通橋下水如鉞一管經過亦愴神廡下祇今誰舉案

固應目我作凡人

美酒新魚自製詞急流長怪退猶遲今朝果泛東吳權

孤負懷歸管仲姬

管夫人漁父詞身在燕山近帝居歸

清閒總不如趙子昂顯云吳興郡夫人不學詩而能詩

不學畫而能畫得于天者然也此漁父詞皆相勸以歸

之意無貪榮苦進之心其與老妻強顏道雙

鬢未全斑何苦行吟澤畔不近長安者異矣

彈指匆匆歲又除安仁髻髮已全疏縱然下淇田居遂

更有何人出荷鋤

八音歌效黃山谷

金屋貯阿嬌彈指朱顏彫石椁白云固長夜不復朝絲

吐蠶已僵玉韞璞空剖竹林有達人閉關但頌酒匏樽

引自酌醉入無何鄉土中皆可埋青鳥誠荒唐革故鼎

取新勞勞歲月促木散匠弗顧得全吾道足

金人背有銘戒哉三緘口石言晉魏榆反常乃爲咎絲
惟飲無何籍不挂臧否竹直愚先伐水虛故善受匏繫
人所全櫟散天與壽土炭重有時榆枋起亦偶革華暫
相於毛穎盟耐久木人石心兒仲御吾尙友

潛研堂詩集卷八

門人黃鍾校字

潛研堂詩集卷九

嘉定錢大昕

到家作

十年詞賦殿頭傳一夜尊鱸夢裏緣竊比奎章虞閣老
在朝應制又歸田

虎邱追和清遠道士韻同陳葑耘作

春風吹我游閉門眞癡漢最近數虎邱而無猛虎竄平
平轉多奇小小頗堪玩陳生今雲卿有伴元結漫舟繫
青山橋人行綠楊岸劒池水清淺講臺石零亂摩娑顯
名字殘缺已失半俗生不好古遺文日放散安能呼蟬

嶙與之語昏旦日高花坼房雨過禽刷翰撫景良可哈

學道遲自歎皈心普門品合掌人天贊石觀音殿壁開刻大乘妙法蓮

華經觀世音菩薩普門品一部下方列銜者自右僕射兼門下侍郎平章事曾公亮而下凡九十餘人不署名

月以宋史宰輔表公亮除授次第推之當在熙寧初矣

和陸魯望補沈恭子詩韻 有序

魯望補沈恭子詩不知恭子為何人予以南史

證之蓋吳興沈初明也初明仕梁為吳令陳文

帝時以明威將軍還鄉卒于吳中其答張種書

極道虎邱之勝誠不愧風流詞翰之日矣所謂

清遠道士者或寓言如茂陵通天臺之比抑世

果有僊人千年不然而游戲人間者耶晉宋已

降官未至台司又無五等之封而得謚者例稱

子

安期曾于楚柱下亦仕周誰云列僊人非即爾我儔關

洛一枰弈秦漢兩部優日月眼中過山水腳底游棲神

遊八極鍊形藏九幽不知何時臘但覺天易秋適來與

我遇勾吳有故邱竝坐千人石偶配劍池流彭塲孰為

天今管奚足愁翩然化鶴去肯他樊籠囚桃源津已問

干寶記獨按恍兮成夢覺爾唱我且酬

第三泉 吳郡志唐張又新品第東南烹茶之水為七等以虎邱石井為第三松江為第

虎邱泉第三又新品久傳阿誰屈次五後來強爭先

陸羽

品虎邱泉第五人心有愛憎泉德無差殊夫惟不爭名是以長

不枯

游師子林

柏池松徑未全荒咫尺居然萬仞岡題詠最多名士句

清幽為近上人房繚而曲信盤之谷阻且長非水一方

畫手倪徐今不佗天留真本在吳閫

鱒諸巷

俗說為穿珠巷

炙魚抽劍汝須臾曾為吳王啟霸圖何事世人多愛富

卻將俠客佗穿珠

虎邱觀玉蘭

虎邱玉蘭天下傳坐臥其下日屢遷游人莫漫輕題品

曾閱游人六百年

白子懸夏膩于勝晴日烘開澹澹香共信潔清能自保

生來不上美人妝

托根近在法王居萬朵含苞次第舒欲祝人天長養力

更無風雨一句餘

同陳葯耘宿陸篠飲荷風竹露艸堂

江漲橋頭路油雲濕四圍偶同陳正字來訪陸接微艸

潘石堂詩集 卷九
閣邀山入蔬園得雨肥主人畱信宿翦燭話依依

同篠飲葑耘步至湖上泛舟登孤山放鶴亭

湖山與我有夙約際曉東風收雨腳清游造物詎我靳
火急出門杖策各客兒蠟屐從所好陶令籃輿且先卻
花光橋抵松毛場桑柘陰陰青繞郭一重一掩引入勝
四山合沓疑張幕三年再到西子湖澹妝濃抹渾如眺
榜人解事若相待一葉扁舟鏡中著沿緣挈音苻藻閒
卻上孤亭望寥廓管人孤絕冑結廬特立雞羣意有托
茂陵不艸封禪文齒冷乘軒衛公鶴有山可居品優高
欲買空言氣徒索興來且他十日游廉讓之閒坐不惡

上巳日游靈隱諸山

不負嬉春上巳期氣晴天朗最相宜菜花黃俗三分減
柳葉青兼萬縷垂對酒常醒坐少債愛山成癖未須治
鷲峯著意延生客紫翠玲瓏特地奇

飛來峯

岩堯鷲嶺認靈蹤始信飛來第一峯壞塔尙傳埋舍利
幽龕隨處肖眞容洞穿巖腹皆通透泉出雲根自激淙
結習未能忘好古題名一一拭苔封

湖上襍題

十里春風碧玉流四圍曉霧翠眉浮游人第一難忘處

明聖湖中水月樓

湖船精妙者名水月樓見戒庵漫筆

一片光明鏡裏身四時涼燠總宜人十分面目纔窺半
前度淡秋今暮春

湖上寓樓

錢塘湖口寺門前黃篾三間一榻優排闥山為不速客
傷檐柳亦有情綠清空摩詰詩中畫容比思光岸上船
晴雨春光都領畧樓居真足喚神僊

葛嶺

稚川澹蕩人偶為餘杭游遂令斯嶺名與公俱千秋我
來登絕頂江海生雙眸雲蒸倦巖石竹覆僧寺樓井湖

煉丹舊臺延初暎浮清泉流鳥下宛聽琴空侯蚤裝導
蒼拙神僊非所求卻掃謝浮榮肯許同調不何必劬勾
漏此中可忘愁

葛嶺詠古

集芳園裏貯蛾眉燈火西湖此一奇六載襄陽圍不解
相公卻有半閒時
公田搜括竟何堪幕上營巢計太憨風月無邊枉拋卻
南行愁煞木棉庵

鳳凰山

天目飛來一鳳皇婆娑兩翼拱錢塘木波公後遺蹤失

猶有人稱御教場
一王駟馬萬人誇
腰鼓城堅靜不譁
造物那知勿舍貴
卻驅怪石爲排衙

水石相撞擊善鳴
假以鳴何必絲與竹
太音無虧成

咄哉澤公癡三生
證夙諾顛倒一念誤
乃爲情所縛生
歿且未忘何怪長墮落
至人外形骸無相本無著

重游飛來峯登絕頂
疊前韻
只疑偏仄少行蹤
捫葛真登最上峯
石露巒頭何齒齒

雲生鳥下自容容
夕陽倒射巖閒塔
夜雨平添澗底淙
珍重飛來莫飛去
天龍爲我一丸封

韜光庵用白樂天招韜光禪師韻
嶺上疑無路雲中別
有家行過翠竹徑
忽見金蓮花浩
蕩登高興清幽
學道芽啞羊真可哂
不會趙州茶

神尼舍利塔

神光夜起般若寺
阿師識兒風骨異
五柱入頂鱗角生
苦桃賊走兒墜地
焦梨嚙索數欲終
晚得天下文軌同
此公詎止佗柱國
佛忒所佑非人功
仁壽初元頒舍利
各造浮圖石函瘞
河朔清流解貢諛
普爲諸州紀符瑞

妙善菩薩入涅槃脫地伐大漸放癲阿摩侍疾數無禮
 區區佞佛良可歎慈悲之教白天竺沈猜峻法祕宜促
 可憎神尼付囑言不勸君王少誅戮恆河沙劫閱廢興
 斷塔猶以神尼稱人言佛光夜常見照徹十方無盡證

僧房偶題

公案重重落日窠上堂舉拂意如何九年面壁無言說
 失笑兒孫語錄多限亦定豈學於我見金華藏
 打包參學辦行騰青豆房頭度牒增休說解吟僧亦俗
 爾來并少佗詩僧天壽近一大桂

學士橋

背郭一灣春水活臨湖盡日遠峯描宅年倘卜杭州住

記占清波學士橋

橋在清波門外

寶成寺觀元人所鑿麻葛葛刺佛石像次葯耘

韻

世閒何人最慈悲調御丈夫號悉達若云慘毒可度世
 何異活人用野葛世尊皮肉捨勿吝普濟眾生如拯渴
 云何番僧佗變相卻塑魔王喚菩薩祝釐漫說朶兒禪
 梵語或訛馬吃刺纍纍髑髏懸臂前吮血磨身澹生活
 旁觀縮舌增怖恐錯認鬼母劫兒鉢我聞黑神起北方

柳貫護國寺碑摩訶葛刺神漢言大黑神也摩訶葛刺即麻葛刺譯音無定字

提兵南下助

式邊當時君臣各膜拜受戒皈依意惻怛涿鹿之北全

寧南

涿州全寧路俱有摩訶葛刺神祠

六時供養求解脫此像鑄從至

治年石不能言也塗抹供羊羊果害人帝師義墮氣

已奪

輟耕錄今上初入戒壇見馬哈刺佛前供羊心上曰會間用人心肝者有諸帝師答曰有之凡人萌

歹心害人者事覺則以其心肝供百上再問曰此羊曾害人乎帝師無答輟耕錄所云今上謂庚申君也

寶石山次韻

蘇軾詩云寶石山次韻

岩堯出城西卓立千花塔雷峯儼弟鷲鴈行不相襍曉

迎曦光射暮受雲氣納盤石踞其顛呀如門半闔山高

風自涼匪秋亦颯颯二分垂在外側足敢輕踏遙聞鐘

磬聲隔嶺相應答天然好圖畫可惜付邨衲安得買山

資結茅安木榻澹花高士湖一日繞一市傳聞寶正年

制書可摹搦千搜竟何有前路碧蘚合

游吳山紫陽洞

城隅抱崇峯樓閣插天半支從龍山分秀奪蛾眉粲晨

聞折簡招濟勝得良伴小泊學士港同訪列僊館孤亭

洵四宐平臺詫大觀紫陽頂最高丹磴陟匪憚湖山秀

而文江海浩無岸分明在目前一一几上玩山腰尋古

洞曲徑連復斷入險螳穿珠得路鳥攫翰飛來青芙蓉

拳開紫絲幔豐下朶頤垂窪中引手盥迷蹤注睨認異

境叱舌歎僊翁咎棲真妙用在懶散胡然怛化餘雷偈

召舉案乃知情難忘夫豈吾輩但山中遺蛻在俯仰人
代換令威倘歸來安識舊里閑學道煮沙初駐景熟脾
巨對酒且放歌低昂任土炭

湖上對雨
疾雷殷殷陣雲烏對面山光一霎無牖口忽疑噴急雪
波心無數撒明珠使思老杜翻盆句濃俗襄陽潑墨圖
獨坐小樓叫奇絕雨湖真箇勝晴湖

連日徧游湖上諸刹有懷古德各題一絕

虎跑寺

囊中

說得須行得何人悟宗旨多事兩於菟遠移南嶽水

泐相寺

行修

修公古如來宴坐味禪悅參禮但默然永明大饒舌

聖果寺

文喜

前三後三三惘然昧多少文殊自文殊大意吾已了

靈隱寺

慧理

杖錫西天來呼猿明月上孤峯飛何之師言毋乃妄

鳳林寺

道林

棲禪依鳥窠安心架巖广可笑宰官身不知住處險

瑪瑙寺

智圓

杜門中庸子不識王欽若致意老慈雲一僧且畱卻

林門中龍井寺元淨

辨才住訥齋非辨亦非訥何處見全身唾霧即明月

蘇轍於良智果寺道潛

苦空百念冷新句尚驚眾一酌參寥泉是身即是夢

歸舟口占

輕波滑笏一颿開細雨留人濕綠苔多謝南高峯頂塔

五十平里外送儂回

題王麓臺蘇齋圖即用卷中查初白先生韻

幾眉僊人衣渺茫誰能抗手與頽頽遼哉尚友七百載
有若米顛寶二王與古為徒世大笑從吾所好生非狂

稽首拜遺像堂堂復堂堂儼然俛仰指讓于其勿當年

梳榔林中僦屋尚見逐祇今空齋供養弈弈鬚眉光鏡

潭月相磨繡谷花半掩地已占清涼心真忘夷險麓臺

翰墨奪化工咫尺萬里望不窮雪堂白鶴觀恍忽移此

中天人游戲八極同飛鴻偶見指爪蹤不信桃花塢畔

宅睨中突見長帽翁伊余生晚思遺風裴回小庭三徑

通珊瑚網中畫卷亦無數清遠獨凌王婁東丁寧勿沈

寒具手過眼雲煙夫豈偶紀間它日傳中吳耕漁之軒

名與俱倪高士耕漁軒圖為吳人徐達左作銘心絕品世所無

題玉石谷蘇齋圖

笠屐續唐古丈夫騎駱太遠欲相呼東坡號俗香山白
繡谷齋顏玉局蘇春夢過來那有迹小園賦後未全蕪
摩挲雙眼誇奇絕心折耕煙第二圖

康熙已而蔣樹存先生邀諸名

流于繡谷送春庭中牡丹初放

字訓中

馬元馭扶義楊晉子鶴徐致采若及目存上人
上容各圖一花乾隆戊子十月先生孫應平出

中天人

賦二絕句

臙脂多買亦何為一朵居然絕世姿好手寫生從古少

徐黃難得在同時

藍尾三杯酒未乾斬新花蕊出豪端百年手澤能藏弄

羞煞人家黑牡丹

家中牡丹

暮春三日到臨安頗悵尋春後牡丹那識故園遲半月
天香猶是待人看

讀漢書

黃綺避秦漢采芝汗漫游不與豎儒伍而况辨士流吾
寇幸無恙欲溺將奚由姓名落人閒失計逢畱侯鴻鵠
羽翼成徒為娥姁謀假館建成所安呂非安劉區區具
金幣毋乃溷公不
茂陵慕不歿意與僊人期豈知巫蠱禍乃自方士貽黃
老尚清淨文景所以治變而譚神僊所見一何卑我欲

見鉅公囹上如嬰兒服藥可少病勿爲妖妄欺

在漢中葉後政柄歸尙書置相不選賢豈取容默徒流
汗婦參語僂背吏夾扶扶陽與防鄉醜藉稱通儒恩澤
列徹侯促媿保位俱威福自臣他履霜慎厥初居攝頌
功德後來奚足誅

厚味實膾毒高位易觸罪五鼎會幾時失意復菹醢不
見葛繹侯刻印拜上宰涕泣不肯受自云從是始才果
濟蒼生盍歎亦何悔淺哉曲學夫持祿不知止

文綱日以密士節日以貶造請公卿閒見笑徒自點剝
席避田蚡長指無汲黯將軍官臨況治具吾敢儉乃公

戒牀下大要教兒調偉哉平林朱願請尚方劔

詩下三尺汰人主與民共云何武健吏內滾次骨痛操
下束濕薪一時重足恐殺人計自安古汰置叵用天道
有神明好還神所恫賢哉萬石媼斯言可警眾

贈張丈擔伯

詩翁老太髯毛疏風格依然正始初無事何妨浮白飲
研思雅稱艸元居羊求舊侶凋殘後禽尙游蹤冷落餘
魯殿靈光今獨在宅時通德表門閭

王彙英家藏古錢歌

錢府上士受姓始我今逃債無從逃九章綴術亦曾學

不解子母營羊羔平生最嗜金石刻鐘鼎款識窮爬搔
貨布襍品儲一二如捉贏蛤遺鯤鼈王生好古今都穆
卜居恰近吳南濠十年藏弄冑出示古色斑駁爛錦條
溯初尊盧首化幣三品後出泉布刀外圍函方恣九府
扣囊底智自六韜金刀契錯布么幼黃新代漢先塗高
真人白水讖已驗造物終戩蛙聲囂五銖之廢開通鑄
椒房指爪瘡滾牢紀元各各吉金勒三司呈樣頒神皋
所嗤僭偽盜正朔寸涖妄欲驕海濤世閒兒女尙厭勝
吉語宛轉銘周遭幕文奇詭難殫述星官北斗下采旄
雙魚三雀隱龜背蒼龍糾屈鸞翔翾或言撒帳取善頌

貴主釐降夸富豪或云佩之辟五兵卻鬼可當度索桃
顧諟洪志人所讀慶而不見空鬱陶多君聚之在掌握
區別年代分牛毛臨川之愚和嶠癖同牀異夢嗤若曹
阿堵中物如此良不惡傾身障簾誰訾警孔方絕交吾
已久畫餅奚勝啖白蓉白蓉艸食之不飢乞君拓文遠相贈瓊
瑤欲報心切切

題姚和伯射獵圖

寶馬苜裘態甚都車中閉置晒非夫不看南部煙花記
卻擬東丹射獵圖
詭遇休誇獲十禽參連白矢法重尋由來射御無非學

見獵何妨儒者心
逐兔呼鷹一隊偕
雨餘天闊淨于揩
江鄉那有寬平地
姑妄言之亦復佳

登馬鞍山

一峯縹緲小而奇

歸熙甫云吾崑之馬鞍山小而實奇

乘興登臨憶少時

彈指流光真小劫
拍肩名士又新知
危崖大字鐫和仲

荒艸孤墳認改之
欲倩孔珪

謂孔鶴瞻

謝猿鶴獻嘲休
山移

山移

題王未巖畫

并引

未巖修撰蚤為麓臺入室弟子
筆法蒼勁駸駸

欲度驂騑前
登第未久即赴玉樓之名尺素流

傳人爭寶之
此本雖未完而架構已具一展閱

閒如見經營慘澹之迹
鶴谿主人善藏之勿為

人豪奪也

縑素風流數太原
奉常墨妙散兒孫
麓臺已老耕煙畝

又見吾鄉畫狀元

浴堂西畔蚤修書
紅杏詩才小宋如
幾輩句臚矜第一

評量能事要推渠

買畫金多膽太豚
紛紛贗鼎散人閒
匡廬真面誰能識

一幅糅糊未了山

崑山學宮石

洵美夫子堂卓立一品石氣蒸震澤濤秀分洞庭脈天
 公爲鐫劖雲根起巖積混沌竅鑿七空洞腹容百舞女
 大垂手飛禽小張翮劍客但蒯緱神人儼冠幘中豐肥
 勝瓠下銳枯疑脂豹文窺一斑螺髻露寸碧置之在東
 膠重于寶尺壁雨灑翠娟娟雲生青圍圍左股割蓬萊
 全身見姑射玉山連修眉婁江繚匹帛侶充雪堂供不
 費康樂屐吾儕雅好事來觀湖疇管謂言夫人峯來自
 平泉宅石本宋參政衛文節公家物夷亭湖初驗石浦居新闢扇障
 元規汚詩取白傳適奇石聚所好兼金買非惜九華列

儿案二室落朋腋羅立如兒孫得意詭賓客茲石尤絕
 倫與公交莫逆雲煙過眼殊山邱回首隔高齋犁爲田
 曲池填成陌遂令皺瘦姿半遭屠沽尼歸然適有幸觀
 者夔無數巍巍尊經閣蕭蕭函丈席諸生競摩挲異代
 發光澤介如君子操偉哉巨人迹宅山攻可藉一簣進
 求益洗宐泮池水蔭俗歲寒柏十鼓媿岐陽七壁陋張
 伯誰云一卷小冑以九鼎易卻憶畏壘亭曾載吳松船
 雙峯比秦華百年挂蘿薜歸太僕安亭故宅有雙石其一亦衛文節物邨童
 敲火頻牧牛礪角亦席裊倘移來劍合眞喜劇盡取望
 徒奢得一心已懌奇傳到公名拜學米家癖清叔人可

重熙甫記良核題詩論後來流連日將夕

題西莊丈室散花圖

毗耶一室靜無朋
十笏量來了不增
爲有散花天女在
此生判他在家僧
茂苑春光花白紅
斬新一朶倚東風
天然滿月天人相
只恐劉元塑未工
雕籠百舌弄朱脣
萬首唐詩記得真
見說送郎新句好
清才今又見陳玠
法門不二悟如何
結習多生佛所訶
何事靈山諸弟子
一身容易著花多

淨名示疾原非疾
噉蠟無心卻有心
多事登肩老羅什
不知吞卻幾回鍼

邵楸亭築小樓題曰梧巢他詩四首諸同人多

有和章邀予繼和

百尺樓居倚碧梧
目窮千里豁平蕪
秋霜臨展撥鴉舅
春雨添棚護鼠姑
境到閒時喧亦靜
心從安後有仍無
南華義諦都參透
牛馬隨人儘意呼
僂欲身攀棲鶴巢
安牀恰對樹枝交
購書只侶求聲鳥
避俗真嫌在戶蝮
魚亡戲餘蓮動葉
燕方來候竹抽梢
元亭問字尋常事
門外從無熱客敲

惠子多方據槁梧維摩宴坐佗跏趺木因號散能逃斧
金爲求祥怕躍鑪立脚定來知地闊置身高處佖雲孤
堯夫觀物書成後安樂窩中自得吾
果有楊修菜有巢主賓襟坐閒詼嘲樓高雅稱登玉粲
詩苦偏宜學孟郊親友搏沙唾易散光陰炳燭鼻輕拋
更呼傻子申初約不遣塵埃積滿坳

讀蜀檣杙畢得絕句八首

井底蛙聲妄白多鬼兵開國事如何武陽叢冢閒枯骨
枉向風塵識八哥

樂府新聲試轉喉海棠花蕊想風流徐家姊妹皆傾國

玉貌偏輸趙解愁

言蘇退已收絲

玉簫歌徹月華新長夜觥籌集會真怪煞嘉王悲底事
臨觴不飲太癡人

翊聖宮深入侍曾煙霄謬陟那能勝十臣各有安邦畧
專寵無如剃髮僧

龍舟戲水碧淙淙花外樓臺見數重從此錦城真佖錦
城頭張幕種芙蓉

長鞭萬里去何依餘慶新年願已違天水東遷向何處
夢中神語出青衣

指揮如意擁貔貅漫擬隆中第一流卅載平章非伴會

宅年降表要卿修

石經次第刻豐碑下筆羞為輕艷詞莫道降王才思少

官箴四語後人師

外舅王虛亭先生挽詩

華屋山邱瞥睨殊江鄉太息失潛夫伐檀詩格先雙井

嘉祐文心啟三蘇身健幾曾扶卽栗心安偶喜坐團蒲

十年八座郎君貴雜誦依然稷下儒

清羸碧鶴鈍無知一見偏將國士奇不獨譽兒兼譽婿

只空稱舅又稱師三年寂寞鰥魚泣七日倉皇梁木萎

地下若逢靈照女為言蒜髮已如絲

潛研堂詩集卷十

嘉定錢大昕

京口阻風

恆河回首感波斯潘岳顛毛蚤就衰舟遇逆風多費力

人來熟路懶題詩漸疏肉食牙將落苦凌山行腳未疲

問訊竹林知不遠天應畱我一揆奇

榜人謠

江上多顛風三日斷來去鄰船猶未開且莫爭先渡

渡黃河四日入邳州境

水急沙滾兩岸彎經旬不見髻螺環推篷一笑真難得

目送邳州幾點山

昭陽湖

濛濛萬頃水雲風八月猶殘菡萏紅湖上人家無長物
蕩舟齊出賣蓮蓬

一年強半是辛勤家具無多只一身菱角魚苗都賣卻
晒將荷葉當炊薪
兩行老柳綠方酣百里遙山翠欲含只少紅樓兼畫舫
風光約畧借江南

謁先賢仲子祠

世已無堅白誰能免枝求升堂功自進浮海去何愁品

與顏曾亞賢子管晏流巖巖鄒嶧近庶食共千秋

太息東周日虛生政事才未逢治賦使終致結纓哀君
子窮如此強哉矯不回浩然畱正氣魂魄想歸來

濟寧

鴻爪重來此地畱清波依舊遠城流天邊又見初弦月
沛上終誇第一州水引魯橋回玉帶碑傳漢隸搨銀鉤
尋常那敢輕題句子美南池太白樓

杜文貞公祠

森木鳴蟬八月涼拾遺游跡未全荒中書落筆才真壯
賓客諸侯老更狂直欲許身追稷契何曾譚藪薄盧王

南池再拜瞻遺像宛到成都舊艸堂

森木與南旺

民社各設

未全流中書

四面皆成浸中流貫一河民居編葦易生計捕魚多打

棗秋霜煮懸燈夜舫過尚書遺澤在庶貌儼巍峩

水接分水厖

水出谷

水出谷

十夫躬許吾脣乾挽索長嗟上水難不道順流元有日

試從分水厖前看

輕颿如箭激漣淪下牖開頭捷有神好語來船莫相妬

明朝各自順流人

如舉

未盡

與會衛河

子曾

長

順水拏篙捷乘風挂席優漸移雙隻埃默數往來船岸

柳秋仍綠沙禽晚欲眠河流元自濁不礙月長圓

古詩

縣

子

治生無良方要取纖嗇善不見東家翁起富百千貫幼

小歷辛勤到老腳猶健兒孫漸積情蚤眠起常晚婚嫁

選高門煩費不知阻產分會指多歲率恐無羨乃逸侮

父母空使識者歎

一

不

新隴故鬼冢古屋今人居百年一小劫艸木更榮枯當

其快意時自詡智有餘錢刀身外物偶爲我之儲人滿

天所槩封殖徒區區子孫已難保勿嗤它家愚

東家選入官西鄰試登科側聞長老言祖父積善家一朝
 朝遠自大輿服相矜夸內史固貴人里門冑下車英特
 縱邁管行義恐不加世情見爛熟聊付一笑呵
 伊尹世所師與人靳一介取之胡不然多多毋已太子
 母算無遺尺寸得始使忍斷友朋交不念骨肉愛疏傳
 飲幾何和嶠癖可怪老至耄將及益受孔子戒
 岸岸垂楊萬縷斜輕陰日午不飛沙只疑白浪如銀湧
 十里秋風喬麥花

題王雅宜借銀券
文云立票人王履吉中央文壽承作中俗到袁與之白銀五

十兩按月起利二分期至十二月一併納還不致有負恐後無憑書此為證嘉靖七年四月日立票人王履吉押他中人文壽承押

艸堂賢待王錄事少米惠乞李大夫分人以財今已罕
 稱貸保任古有諸詩人多窮乃往例四壁蕭然了無計
 雅宜山色難療饑下策區區憑約契誰其俗者袁與之
 白銀五十無零奇萬息二千一歲率貨殖之傳寧吾欺
 年月日子紙尾壓歲暮責償應不乏生平恥食豪家鯖
 此來卻費山人押風流寸楮偶流傳筆法圓勁鍼裹絲
 好事嗟賞歸文與趙凡評估一字直十千楮先生客馬
 少游此帖為吳中馬上舍紹基所藏馬生寓楮學士邸乞我他詩述其由歲將

暮矣我亦愁有臺逃責招我不

題沈東田觀察小像

調御元無相猶龍患有身信天心是易行樂氣常春山
以靜斯壽梅因清益新當前生意滿落落寄吾真
靜裏日如年春來樂事優夢知焦鹿幻戲任紙寫牽曉
揆青藤杖閒浮藥玉船行窩隨處有觀物悟先天

題箕倦畫為曹慕堂給諫作

列僊逃人間無為得自在云何為物役毋乃洩天緯前
身筆墨緣結習了不悔促迫見能事淋漓絢異采胃中
出邱壑意外藏傀儡遙山翠列眉絲花紅綻蕾武陵本

人世此景不我給黃門偶得之寶于珠百琲色相真卽

幻達人視齊等

多改切

畫厨慎藏弄莫學狂顧愷

臘八日同曹習庵編修吳白華侍讀陸百山宗

人集趙寶君齋消寒小飲卽席口占索和

車輪嬾逐軟塵忙官意文情兩欲忘

隋書李孝貞傳官意文情一時盡矣

不速竟來容惡客無何且飲卽寬鄉舖糜大勝盤游飯

啣酒兼呼般若湯招引吾儕相暖熱詭渠元叔未空囊

翼日諸公和詩未到疊前韻催之

聽鼓應官有底忙會依真率約無忘身藏人海翻成隱
酒遣愁魔別是鄉只愛澹交淡侶水不知世味熱于湯

諸公才大皆詩伯好句先催出錦囊
羅道與同人約為詩會遲而未果習庵疊前韻見示依

其數答之

身閒心卻為詩忙結習應嗤老未忘臘盡正宜催歲課
交親還侶在江鄉霜肥鐵腳堪成鮓冰凝黃芽好按湯

優擬清譚消永日從來無底是書囊

黃山谷詩書囊無底譚未了

輕塵弱艸百年忙白髮垂名久不忘中酒幾曾妨學道
著書何必待還鄉聯吟韓愈應招孟樸體江淹或擬湯
我欲致師慚思涸匹如灘水壅沙囊

人題萬齋壁疊前韻

謹戶窮冬了不忙異同堅白辯都忘身隨候鴈重為客

語類籠禽尚帶鄉故友漸稀星向曙安心已忘雪消湯

一家長物休嫌少羞澀猶存舊日囊

紫薇司諫校閒忙渴睡希夷一覺忘大自在能參佛地

無何有可認吾鄉三冬粗足撐腸米甲夜先溫洗腳湯

算計平生差受用東坡居士腹如囊

再題萬壁仍疊前韻

四十餘年日月忙蚤衰容易事全忘推排自媿稱前輩

諧謔偏欣道故鄉且住為佳啞望蜀徒勞無益莫揚湯

如來慧眼看能破未必愚公讓智囊

丹黃塗乙勸書忙掩卷先愁過目忘賦別久枯江令筆
 說經欲到鄭公鄉古泉汲井憑修綬活火煎茶候沸湯
 杜左和錢均是癖休將腹傲空囊
 鼻端觀白怕心忙煩惱歡愉要兩忘形影互嘲皆妄相
 神僊可致有真鄉滑甘且試青精飯峻利休嘗白虎湯
 康濟一身吾已足千金財後檢方囊

一冬何事夢偏忙梅筍江南思不忘百里近游船當屋
 三農活計稻為鄉澆花特地儲薪水雜艸隨時利熱湯
 聞說林檎栽幾樹秋來結子定盈囊
得家書知後圃新栽林檎幾本林檎
俗呼花紅

東習庵

款門剝啄不辭忙坐久譚淡主客忘甘井汲泉空勿慕
習庵寓甘井街 官園種菜只如鄉予寓官菜園上街 校書君正然藜
 火病齒吾方呷藥湯卅載光陰敲石過見時記賭紫羅
 囊

傳衣縛律枉多忙挂角羚羊迹要忘誰似公才誇八斗
 真看詩老出吾鄉蒸砂千劫終非飯薄酒二鍾卻勝湯
 攻短自來須苦口刀圭為我啟行囊

曹劒亭刑部和韻見贈即奉荅
 餽歲人間他意忙先生閑閣坐來忘兩篇觀物心中易

一枕游僊夢裏鄉老手詩真如咬蔗庸醫藥莫試煎湯

熊羆譚笑居然卻十笏清齋倚隱囊

劍亭疾初愈

延賦自本十三日吳杉亭舍人招同褚鶴侶刑部蔣漁

真香精郵編脩陳寶所給諫小飲疊前韻二首

行厨真訝咄嗟忙翦燭西窗話不忘但願同心常聚首

何妨異縣更它鄉吟堪度日頻敲鉢熱不因人自造湯

門外飛沙寒刮面欲從質庫檢衣囊

答嚴鼓堂和韻見贈之佳

黔南薊北馬躑忙踏雪飛鴻意未忘暮節無聊惟索句

才人不遇例思鄉談嘲顧我真如朔儻莫憐君畧佶湯

一盞酌來相慰藉毛錐那得久藏囊

可怪詩成擊鉢忙把來過日不能忘半空真見華嚴閣

六出爭奇戶牖鄉力厚侶斟缸面酒味甜欲曬菜羹湯

求魚自笑先投蚓引出人閒罟百囊

已丑除夕疊前韻

九陌喧闐爆竹忙過年俗例未應忘北來幾月俄除夕

南望停雲是故鄉繡襪癡兒能覓粟青裙小婦為調湯

屋租米券都償了壓歲錢猶足一囊

一夜偏兼兩歲忙春風如候幾曾忘癡歎不賣甘違眾

慈儉能持欲化鄉促坐共圍爐炭火延齡預辦粉團湯

元日食粉團吾鄉謂之百歲團只愁才減年徒進倉粟區區爲革囊
竈馬桃符遞換忙迎新推故了相忘艸元多暇官知冷
泥飲相邀士有鄉習嬾漸如三起柳療貧終少十全湯
祇應无譽仍无咎日玩羲文六四囊
乾乾窮年爲甚忙文章報國意難忘遺經獨抱真奇
貨破硯重磨當狹鄉壯不如人思炳燭行求無悔怕接
湯開春欲到琉璃殿購取奇書滿一囊

次韻嚴跂堂正月三日對雪
聞君逃禪學迦葉不作佛助驚蛺蝶苦吟瘦生生未攝
險語偏人和韻憂我窮堅壁兵不接詩腸十日稍安貼

齋空恣喜爲妻妾苦行如僧少度牒今日何事手指隄
示我新詩笑浮屠春三日雪盈尺淡日大有年紀瑤笈
常甲如茶萬夫讐真妃攜從晝出獵六合頭洞一足涉
大慈布施倒囊篋令嚴不問人語喋詩人舌耕六籍餽
失喜滿酌三升臘一身康濟陰陽變搖筆千言觀者懼
句奇格變書之筴令我目眴心以愜彼盈我竭欲頰頰
信手荅之倚牀牒技瘡不禁破械輒我詩可棄履中屨
君才有用劍上鉞春風馬蹏行蹠躩勿他平原乞米帖
跂堂和予詩兼訂春游賦此荅之
此身何侶舟一葉了識非周亦非韃聊以詩酒自調攝

憶咎下筆文采疊自言古人武可接少游風雨縱安貼
 不中退之佗婢妾陋哉斷獄取陳牒盲人漫學離朱睫
 嫖母強效西施厲少佗可焚汗背浹君平僊骨注丹笈
 沈默卿元語不讐暮佗于詩當漁獵奇外出奇趣日涉
 白戰了不攜三篋我頃多言悔喋喋豆羹菜蕪田父盭
 敢匹炮羔祠伏臘獻歲三陽和氣變蟄蟲始振响雉懼
 春雲如黛風如箠與子偕游我心愜一笑色動三豪頰
 酒一偏提果一標醉翁欲少一醉輒有山且著謝公屐
 有車莫彈馮公鈇過隙白駒去蹠躩觴詠千秋傳楔帖
 正月十九日同曹習庵編修張繡堂趙實君兩

上舍游白雲觀次習庵韻

重陽之教起關右一花七葉了無垢神僊宗伯出善門
 戊辰正月日十九全真心欲長交梨遺世肘仍化枯柳
 千鎗焰向崑崙傳一滴源從甘井瀏馬譚劉郝漫齊名
 泰華居然俯陵阜兩朝徵召笑不應卻著芒屨雪山走
 老翁八十夏何求曷不杜門丹竈守至人有道先濟物
 忍令芸生外速朽采芝黃綺解避秦區區獨善詎高手
 僊家那有不歿方五利文成非吾偶長春真人告元太
祖云有衛生之道
無長生阿誰辨偽妄訾警多事山僧想顏厚釋祥邁化
之藥
錄訛毀即今都人傳譙邱子識長春道長久招邀朋舊
全真

出城西後車不載偏提酒令威千歲幾曾歸不朽之名
乃真壽白雲去住自無心能解世人煩惱否

寶刀千金淬鵬鵠丈夫出門萬里攜四夏月黑白虹出

梧生藏一
刀甚奇古

眼申貝玉真如泥三刀佐郡才小試百鍊平生成利器

生苗買犢相勸耕循吏于今見翼遂

送胡牧亭侍御南還

矯矯神羊柱後冠曼容移疾遽辭官賣文價賤窮休送
避債臺遙太尚難半世艸元耽寂寞十年薄宦耐酸寒
鄉園舊侶應相待夢澤春風把釣竿

二月廿七日同慕堂給諫竹君學士伯思戶部

登陶然亭

瀟灑閒亭子登臨復不同人來春樹杪山落酒杯中艸
細纔抽甲池枯不滿弓江鄉當此日桃杏已青紅

哭翟舍人均廉

予乙酉典
試所得士

才望雄三浙文章博兩官瘦羊終澹泊小鳳亦清寒鵬
自培風久鮎偏上竹難侏儒應笑爾長飽一囊餐

祿命妨文士精神憊苦吟空羅胃列宿終欠腹三壬

管
格

言腹無三壬
不壽之驗
自牖言如眚居肯病已浚祝予何太急慟

絕不成音

題侯官林氏所藏漢甘泉瓦拓本

貴賤世無常不見金與瓦尋常博者注棄之等土苴一枚傳自漢黃金千勿假古色敵敦彝篆泐證蒼雅誰云搏埴工恐是造化冶古人一物微製佗不苟且曰長生無極云漢并天下款識避雷同吉語當祝嘏香泉強解事毋乃所見寡陳子文凝長生未茂陵甲帳空銅僊淚盈把博物不逢張千年委山野文孫寶手澤勿替引來者瓦全神所護金籀我姑舍翻怕多財翁笑汝癖成癡

題吳香亭鴻臚古藤詩思圖

海王之邨近書市新城尙書曾卜廬藤花一本手所植

歲久翦敗惟枯株神明扶持終有力生意宛轉枝頭蘇好花應厭俗客對風流今又逢鴻臚追逐唐賢究三昧新詩解脫如花腴猶嫌三春花事太爽倩畫手紀以圖古槐修竹靜者居置身花下晨夕娛綠陰滿架清有餘封殖無忘前輩譽明年花開可痛飲折簡行復招吾徒比鄰更呼程舍人謂魚相於聯句窮朝哺此藤此屋清不孤佳話欲繼匏菴吳吏部官解藤花吳匏庵手植

同曹慕堂給諫朱竹君學士陳伯思戶部史文量孝廉曹申之上舍爲西山之游出郊宿二老

莊和竹君韻

按春有伴靳從驂潑眼山光削碧簪心以地偏應夏遠
味于交澹不求甘竹谿耽逸人仍六蕉葉澆愁我亦三
城市漸遙巖谷近此中容得是清譚

張忠烈王輔墓

高冢侶祁連旁可萬家聚蒼涼閱人代忠烈增跂慕百
戰起將門三台贊政務偉哉定南交富良一葦渡縛僧
如縛羊繫頸逮婦孺疆理二十年木壤中自蠹空聞捐
之議益思鄭吉護可憐東西楊一著偶投誤事往那可
追墓田了非故猶存翁仲立尙識夫人夫人吳氏石
刻敘宗支昭穆粲然具歐表例可循世系足推溯摩挲

恭靖碑

忠烈子懋碑在其右數十步有碑頭云特進光祿大夫左柱國太子太師追封寧陽王諡恭靖

山行疊前韻

仄磴崎嶇不礙驂襟花瑣碎也空簷雲來天外當頭合
泉在山中徹底甘陟險直須化氣一避喧已倍伐毛三
十年結想今纔到目擊端因勝百譚

歲月堂堂隙過驂清游樂喜益朋簪只除佛地境皆俗
每到山行心欲甘驃騎名眞輸第五瞿曇義且叩前三
捫蘿恐有遼金刻好撫遺聞入筆譚

戒壇

大眾同回向天神護此壇光明心不昧堅忍力須完
艸棍宐斷傳薪火白鑽宣尼箴四勿吾道亦先難
傳戒從知幻開山記恣均結壇遷侶谷成佛定何人清
磬諸天曉喬松太古春安心雖未竟三宿亦前因

和竹君戒壇讀遠恣均大師碑因弔學士王鼎

三十韻

爲禮司空塔兼鈔學士碑殘編猶可讀遺行已難追博
物雄燕涿通經習禮詩太寧黃遜口上已被除期下坐
羣相誚揮豪信不羈識山墜肉眼脫穎俗毛錐策射清
涼殿名臚白玉墀奪標先獨占紀歲兩存疑

遼史道宗紀清寧八年

年六月御清涼殿放進士王鼎等九十
三人本傳則云清寧五年擢第與紀異初捧州僚檄師
牽縣令絲才名宐館閣祕典預論思汲黯言常蕙宣公

政屢咨忤時官未進罵座醉偏癡騷客終遷謫清流被
榜笞孤寒經歲甚雨露一朝施果復鑿坡舊何曾

衰暴風驚忽舉臥榻正無敵忠直神惟佑詞章世所推

珠雖百琲失豹偶一斑遺幢署優婆塞

寺有石幢二其一題云受戒弟

子優婆塞范陽王鼎製文銘徵壇主師簡柄文品貴恣護筆蹤貽刻

倩王惟約求容釋裕窺焚椒書可匹礪畢妙難訾椎拓

應千本糲糊恐異時舊聞搜墜逸正史證階資開國分

封渥丹文制誥知勳纔都尉轉賜許佩魚垂

碑題馬鞍山故崇祿

大夫守司空傳菩薩戒壇主大師遺行碑銘并序朝議大夫乾文閣直學士知制誥充史館修撰騎都尉太原縣開國子食邑五百戶賜

紫金魚袋王鼎撰并書稽古榮非忝逃禪俗漫曠元言譚吼石密戒受毗尼佞佛何妨達匡君要有裨馬鞍

峯頂望懷古且支頤

姚少師祠

灑灑泉流檻外分披緇入定戒香熏空登北郭詩人社

難上西山老佛墳好殺共知和尚誤著書賴有故交焚

依然病虎形容在曾否聲名直半文

少師自贊畫像云這箇禿廝忒無仁聞名垂千古不直半文

夜宿潭柘寺用石刻金僧重玉韻

泉清山瘦氣如秋假榻精廬臥亦游夜靜與居惟木石
心忙難伏侶龍蚪月篩叢竹搖空影風入高松響急流
一室了無增減相此身今欲號浮休

妙嚴公主拜甄

相傳妙嚴為世祖女子史無據恐是傳會之詞元時宗女皆得

稱公主不必帝女也

咎聞元公主苦行何精進六時五體投一甄雙趺印沁
園自言富視之如朝薜泐輪得慧珠凌河斷利刃單極
幹可絕受礪石欲磷區區搏埴土踏破存者僅至人得
魚忘凡夫刻舟認饒舌紫柏師寶為山門鎮匣藏尚宛
然曾費宮錦觀當時宗室女下嫁魯趙親各冒貴主

稱內朝鴈行觀詎必出僻禪齊諧勿盡信

魚念只僧房偶題

漸綠春來艸常青屋裏山門前無垢水不冝到人閒

圖自言潭柘寺

四圍山簇青蓮花蓮中之的泐喜家篋裏龍子自來公

殿頭鳴吻猶含呀泉聲無盡波羅密樹影可怖鳩盤茶

盧溝橋只一舍近行人不記恆河沙

三月廿二日同錢宮詹籜石紀太僕心齋朱學

士竹君楮學士左峩曹給事慕堂馮刑部君弼

泉山入泐源寺觀海棠偶見芻院牆脚支貧方石有

異撤而視之則遼大安十年觀音菩薩地宮舍

利石函記也心齋有詩紀其事卽次韻

長安春可游賞花到佛寺至德靈芝書景福南敘記妙

跡屢摩挲響搨勸好事卓立尊勝幢石函列其次復有

党竹谿令史述建置

寺有遼薦福大師尊勝陀羅尼幢記磁州司馬劉贊撰又石函四面

顯字天水蕭甫書金禮部令史顯名記大定戊戌八月党懷英撰皆谷人所未著錄予數年來先後訪得之

劫火了不焚人天護初地得隴復望蜀吾儕心已肆運

璧覆苔石果得義中字想見揮豪初淋漓墨瀋翠一萬

舍利藏卅二相好備檀那百千家合掌歎神異金錢巨

社輸宮商泐螺吹

皆用記中語

事往七百年誰識聰辨智

記文

燕京管內左右街都僧錄崇祿大夫檢校太師行鴻臚卿聰辨大師賜紫沙門善製所撰自大安十年甲戌至今六百七十七年矣昇來鎮僧寮鈔取入書笥紀年古多同舊聞

或誤識劉同人帝京景物畧題他金大安十年攷金主永濟紀元大安止于三年此記乃遼道宗時所

刻非金刻結習文字閒淨名毋我議

琉璃廠窰戶掘土得古墓棺槨朽盡而骨泐殊

異視其誌石題云大遼故魏青崇祿大夫檢校

司空行太子左衛率府率兼御史大夫上柱國

身安春隴西李公墓誌銘撰書人則不可攷矣督厥工

部郎中孟君濬令改埋于故兆東二十步并其

誌瘞之世遂無拓本李公之名不見于遼史因

據誌文大畧他詩以遺攷古者

琉璃廠前工搏埴昌志切十夫畚土土委地捨畚漣瀾見

枯尚棺樁不具骨泐異其旁片石誰所誌大遼李公官

闕備厥諱內貞吉美字漢前將軍出所自家於媯泐世

有位舉唐秀才祕書試試主簿承清淨治大聖南牧六

師肄向化請命隸下吏屬珊帳下蕃漢騎甘萬精兵可

敦置中丞提舉金魚賜左右僕射新寵被述蘭王燕南

面寄授以押衙心膂倚戒得抱公輸忠義專城薊州寬

惠莅都監錕冶廉直遂檢校司空三台致終于太子左

衛率先嫺殷氏三子嗣繼室以何有男二各各通顯周

行置保寧十年月夏季行年八十恆幹棄葬之京東石
室闕黃腸僂房久摧毀白日忽照長夜寐歲閱八百際
過馴富貴聲名竟何事改埋且免烏鳶飢猶勝溟溟堙
名字吾生金石有奇嗜恨未擅椎入篋笥遺間可補隆
禮志傳與好事紀原委

題侯官林氏陶舫硯銘冊子

蕉葉青花甲乙分故交耐久夏能文想嫌結綠縣黎俗
別署頭銜萬石君
鐵畫分明手自鐫名山藏弄耐千年怪宅歐趙搜金石
椎搨何曾到硯田

送江于九之官安慶

隆冬風雪冷僕夫將載馳送君路三千游宦皖水涓君
才故磊落循良古爲師文章與政事能手兩兼之仕途
如黃楊逢閏一寸虧別駕古通守職閒秩未卑衡陽君
舊游手捫响嶼碑天柱亦南嶽山靈緣在茲振衣可一
登荆揚儼列眉石壁剔落蘚恐有龍眠詞見彈太蚤計
令我朶兩頤人生有幾別後會復何時君爲江淹賦我
媿錢起詩

游善果寺

白紙坊前青豆房當年賜額乞貂璫

明天順八年尚膳
監太監陶榮題請

賜額禮部給劄付石刻尚存

修廊搏換鬚眉古

東西廊塑五百羅漢明孝宗時內官監太

監姚訓

老幹支離檜柏涼豐碣未磨禮部劄荒原誰認

故侯牆

碑載寺四至東至官路西至歸依地南至慈仁牆北至太平侯牆

山桃一樹開

旋落瞥睨春光有底池

澹源寺看花

丁香花落海棠殘火迫春風到牡丹冷笑山僧心底事

栽花只博別人看

澹源寺觀牡丹因懷琴德

精藍地近一牛鳴每到花時幾度行天與色香矜智慧

人從闌落悟虧成老僧底用譚優鉢長者真須學淨名

蒲褐先生無恙否何緣共坐話無生

題黃星樓所藏漢華山碑拓本

江夏過妣我袖中有西嶽六丁取不盡古色尚斑駁一

飯先鍾梁三舍後斯邈森森劔鋒藏茗茗承穎擢美女

簪好花壯士橫長槩白象露齒牙蒼龍吐芒角掉尾魚

戲波垂頭鶴俛啄依稀六百字字字玉在璞杜遷石已

碎郭香文未剝當年松譚閣

此碑舊藏宛委山人郭宗昌松譚閣後歸王山史嘯

月樓顧亭林

薇露手親濯侍史妙裝潢牙籤自追琢嘯

月古逸民顧榮共商推手書付官奴恐溷俗子濁

山史題冊

尾戒其子非承我命不得令人輕為題跋

歲久罕益珍性癖果而確風流今

猶管嘲笑任蠲覺院體行楷書我見輒欲設俗君羅紋
硯試一臨池學

題惠松厓徵君授經圖

漢儒說經重詁訓授受專門先後印三代遺文近可推
大義微言條不紊後人鑿空誇心得一筆欲將鄭服擯
虛譚名理訶玩物陳義甚高詞已遁我朝經術方昌
明天遣耆儒破迷悶紅豆風流手澤貽三世大師清望
峻正諒常晞董仲舒識古共推劉子駿尤長義易沂九
師輔嗣說行存亦僅郢書燕說一例芟墜簡逸象盡日
拮畫吞仲翔洵已足論持趙賓兼官勿苦心孤詣識者

誰後有子雲或能信禮堂寫定不得傳令子趨庭萬人
俊羣書暗誦才翩翩家法相承語諄諄青紫拾芥何足
云樸學千秋宜自奮吾生亦有好奇癖問奇曾許摳衣
進廿年聚散等浮漚宿艸青青老淚披展圖仿佛見平
生苦井長智幾時濬黃門精熟繼長翁試聽宅年石渠
論

爲袁春圃給事題苦瓜和尚餘杭看山圖

連蜷不了幾行樹辣闌無想千尺岑一洗人間甜俗格
丹青如見苦瓜心

題沈椒園前輩松亭讀易圖

先生晚好易韋編百過讀兀坐古松亭清吹風謾謾凜
然歲寒姿勁直凌凡木三百八十爻取象各有族白茅
藉无咎枯楊華非福失據蒺藜危得繫苞桑卜乘剛怕
葛藟善柔嗤竟陸松即何乃遺疑義費往復善易象可
忘至理思爛熟科上槁奚爲堅多節所獨抱經究終始
洗心以自淑行藏三十年回首一信宿漸鴻瞻羽儀賁
趾脫輪腹道協敦且九名取安節六磊砢後彫心算逆
交不黷經師多上壽額手爲公祝

病目廿二韻

病目而月餘屏葷酒醲晝常恹窗明夜苦辨星曉觀

火光忽岐遡風涕偏潛眵凝春麥芒淚流浙米漚綠瞳
欲掩珠赤肯已侵販漫天他謝絮平地起秦棧朱碧只
一槩金沙莫分揀看書春月翳佗字秋蛇縮視鳥真如
鳥寫弗卻類弗約僮宥僂了課兒昧瑟僂漸近杜欽旨
空羨華元暉欲尋龍樹方安得金龜剗平生耽文字藝
林志飛獾分無蛾綠簪徒勞汗青篋多記精日銷玩物
顏有赧天教息吾黥日使且其隄五蘊先斷色萬事難
挂眼方圓河洛圖疏密麻沙板相對了不知付之一笑
堯象罔傲離朱申徒薄子產戒慎所不睹斯道本至簡
渾沌未鑿初今吾豈異擗

贈伊宛中孝廉 本蒙古伯都氏改隸滿洲古北日提督諡愨僖布蘭泰公之孫
之子名家彥風流數妙年譚經援義海搜旬出心田
馬途能識神錐穎最先中郎枕中祕欲待仲宣傳

一鏡熒熒光歛然散數點漸遠光益多百道飛電閃外
環暈幾重著色閒濃澹殷紅日杲杲蔚藍波激激心知
眼前障欲以一手拚五采夏交射不絕始燄燄夜夢神
告予妄相去以漸莫漫投刀圭最忌弄鉛槧幻影非有
著真精宜自斂磨之泥在水水激泥不濂又如雲掩月
雲過月不染復其見天心我圭本無玷

圓桌

曾記瑤臺聚八僊

方桌一名八僊桌

榫棧新樣阿誰傳翦鑿真

快團團話讓坐無妨左右旋移到中庭天侶笠分將半
面月初莖瓜廬與爾筌相稱瞽叟從今莫惡圓

暖炕

熾炭中央氣四通先生眞欲號冬煖未妨厝火仍安寢
且耐薰心畧禦窮上座試安木居士

炕邊以木爲之

爰官新守

羅兩峯鬼趣圖

人言鬼可憎君獨觀其妙觸于目所遇審厥象惟肖巨

室可偃寢馳逐誰所召昏暗鎖自縛安得慧燈照六趣
理本同執著互相笑奇詭到筆端佻間談出訃書家艸
聖難龔聖予云人言畫鬼爲戲筆是大不然此乃
書家之艸聖也豈有不善真書而佻艸書者苦心
世莫料瞰室非爾防一任梁閒嘯

潛研堂詩集卷十

門人黃鐘校字

